

詩義折中

御纂詩義折中卷之十七

生民之什三之二

厥初生民時維姜嫄生民如何克禋克祀以弗無子
履帝武敏歆攸介攸止載震載夙載生載育時維后
稷

賦也姜姓嫄名高辛氏之妃也言嫄厥古初生天
下之民者是爲姜嫄姜嫄何以生民以其生后稷
也后稷播穀民賴以生則不啻姜嫄生之也其生
后稷如何毛傳曰禋敬弗去也去無子求有子古

者以立郊禘焉元鳥至之日以大牢祠於郊禘是也履隨也帝高辛氏也武行每歲飲饗介大攸止福祿所止也震動夙早育長也何楷曰言姜嫄從帝將事敏速上帝欲饗大降之福是以助祭甫畢身如有所震動遂早有娠而生育后稷也

誕彌厥月先生如達不折不副無害無害以赫厥靈上帝不寧不康禋祀居然生子

賦也誕發語詞彌終也終十月之期也先生首生也達小羊也羊十易生者也折副皆裂也赫顯也

居然猶徒然也言婦人產難首生尤難而如達之
易并無圻副菑害之苦是上帝所以顯厥靈也乃
姜嫄則心疑焉以爲禋祀之後無端身動彌月首
生并無留難事屬不經豈上帝之心有不寧乎前
之禋祀有未安乎何爲而徒然生子也此則其見
棄之由也

誕寘之隘巷牛羊腓字之誕寘之平林會伐平林誕
寘之寒冰鳥覆翼之鳥乃去矣后稷呱矣實覃實訏
厥聲載路

賦也隘狹腓芑字愛也會值也值人伐木也覆蓋
翼藉也以一翼覆之一翼藉之也呱啼聲也覃長
訐大載滿也蒲路言其聲之大而人皆聞之也既
棄而靈異如此是以收而養之也

誕實匍匐克岐克嶸以就口食蓺之荏菹荏菹施施
禾役穰穰麻麥嚶嚶瓜瓞嗒嗒

賦也匍匐手足并行也岐嶸立也嶸端重也就成
也荏菹大豆施施枝葉揚起也黍稷稻粱皆謂之
禾役行列也穰穰美好貌嚶嚶茂密嗒嗒多實也

言后稷之幼也當實應匍匐之年已能岐然而岐
立嶷然而端重暨乎稍長遂能藝五穀以成就其
口食禾麥爲主佐以麻菽藟以瓜瓞而一人之口
食就生民之口食皆就矣

誕后稷之穠有相之道第厥豐草種之黃茂實方實
苞實種實稊實發實秀實堅實好實穎實栗卽有邵
家室

賦也稷善稼穡不止因天分地而已有以人力相
助之道焉草害嘉穀故先除之便耕犁也黃土色

也茂土肥也種之黃茂物土宜也立苗之道勿密
勿疏特苗則方之均布之也呂氏春秋曰橫行必
得縱行必術莖生有行則苗速長是也弱苗則苞
之叢植之也呂氏春秋曰其長也欲相與居其熟
也欲相扶故三以爲族乃多粟是也種當作鍾培
之也漢書曰苗生葉以上稍耨隴土以附苗根土
厚根深能風與旱是也衰與哀通聚也苗既秀再
耘之收其旁土以阜苗足則粟不秕呂氏春秋曰
能使穗大而均粟圓而薄糠是也如是以相之故

后稷之穡必盛發而齊秀莖節堅而枝葉完好實繁而穎垂顆粒圓而栗栗然也朱子曰堯嘉其有功於民封於邰使卽其母家而居之以主姜嫄之祀故周人亦世祀姜嫄焉

誕降嘉種維秬維秠維糜維芑恒之秠芑是任是負以歸肇祀

賦也降天生之也秬黍也秠黍之一稔二米者也糜赤粱芑白粱也恒徧穫刈也畝棲於畝也任肩任負背負也肇始也言天降嘉種秬秠糜芑后稷

教民徧種之熟而獲畝之任負之歸以祀神報之
且祈之也祭祀之禮自古有之而釀秬秠以爲酒
烝麋苴以爲粢則自后稷始也以穀祀神而因以
祈穀則穀常熟矣此后稷之所以生民也

誕我祀如何或舂或掄或簸或蹂釋之叟叟烝之浮
浮載謀載惟取蕭祭脂取錕以較載燔載烈以興嗣
歲

賦也言后稷生民之功如此迄於今后稷往矣我
則祀后稷焉春禱於白也掄杵抒之也簸箕揚之

也蹂手揉之也所重在穀故治之精也謀卜日擇士也惟齋戒具修也蕭蒿也脂胾膋也以蕭炳脂尙臭也輟祭行道之神也祭行所以速神之來猶祭祐之意也燔燒也烈炙也所以爲羞也嗣繼也今歲所以繼往歲故嗣歲者新歲也言備物盛禮以祀之者所以興新歲之農事使有年也此周人孟春所穀於上帝以后稷配之禮也

卽盛于豆于豆于登其香始升上帝居歆胡臭曾時后稷肇祀庶無罪悔以迄于今

賦也。叩我也。木器曰豆。瓦器曰登。盛於豆者菹醢也。盛於登者太羹也。居安也。鬼神食氣曰歆。胡何臭。香。亶信時期也。庶庶幾也。迄至也。言俎豆始薦香氣初升而上帝已安饗之。何以臭一達而神卽如期而至其誠信如此哉。蓋上帝之眷后稷久矣。自后稷肇祀以來子孫世修其業不敢不敬天而至於有罪不敢不勤農而至於有悔兢兢業業以迄於今。上帝嘉今之承祀者能不替生民之功是以居歆亶時如此也。嚴粲曰。周之郊也因稷而致。

所謂文武之功起於后稷尊以配天不亦宜乎

生民八章四章章十句四章章八句

生民祀后稷也周禮啓蟄之月上辛之日所
穀於上帝以后稷配是也述后稷之農事而
推本於所生者見天爲教民稼穡而特生后
稷天眷之故以之配之也長至之配也用思
文元日之配也用生民思文簡而生民繁者
因所穀之故是以詳叙其相穡之始末以昭
后稷之功抑以示祀后稷者必如后稷之有

功於民乃足以當天心也則庶無罪悔矣是
故有相之道后稷所以生唐虞之民也以興
嗣歲文武所以生成周之民也而是詩之傳
使後之長民者皆敬天勤農以庶無罪悔則
聖人所以生萬世之民也

敦彼行葦牛羊勿踐履方苞方體維葉泥泥戚戚兄
弟莫遠具爾或肆之筵或授之几

比也敦茁也行道也苞叢體成也泥泥潤貌戚戚
內相親也爾與邇同肆陳也言道旁之葦勿爲牛

羊所踐履乃能叢生并長而枝葉潤澤以比兄弟
之親勿爲他人所讒間乃能同心合力而家道昌
隆也故戚戚之兄弟不可遠而日疎惟當近而日
親是以相與燕飲勑者爲之設筵長者又加之以
凡也何楷曰此下三章皆言燕兄弟之事然必有
此心以爲之主而後燕飲不爲虛文也

肆筵設席授几有緝御或獻或酢洗爵奠斝醢醢以
薦或燔或炙嘉穀脾臠或歌或嘏

賦也設席筵上加席也周禮設莞筵加繅席設蒲

筵加莞席是也緝續御侍也有相續而侍者也進
酒於客曰獻客答之曰酢主人又洗爵酬客客受
而奠之不舉也夏曰醖殷曰斚周曰爵醢肉汁也
醢肉醬也燔燒肉炙炙肝殺切肉而升於俎也國
語云親戚宴饗則有殺烝是也脾主臟也禮記云
賓俎脊脇肩肺脾是也臠口上肉也歌人聲比於
琴瑟也燕禮旅酬之後乃歌也徒擊鼓曰嘒燕無
嘒射有之此通下章而言歌之後又射也

敦弓既堅四鍬既鈞舍矢既均序賓以賢敦弓既句

既挾四鏃四鏃如樹序賓以不侮

賦也敦雕通堅猶勁也鏃矢也爾雅云金簇翦羽謂之鏃鈞停也簇與幹輕重稱也舍發也均皆中也賢中多者也句穀通引滿也射禮摺三挾一四鏃既挾則皆發矣如樹如手就樹之言皆中也不侮敬也不以中病不中者也射以中多爲雋以不侮爲德呂祖謙曰四鏃既鈞泛言射者也故繼之曰序賓以賢四鏃如樹專言勝者也故繼之曰序賓以不侮

曾孫維主酒醴維醑酌以大斗以祈黃耆黃耆台背
以引以翼壽考維祺以介景福

賦也曾孫君卿大夫之通稱嗣位而主祭者也曾
孫爲主故兄弟皆稱賓也醑厚也大斗長勺也勺
挹於尊而注諸爵斗挹於大器而注諸尊也燕禮
之後有無算爵故挹以大斗也祈求也黃耆老人
之稱以祈黃耆耆考飲酒旣畢乃乞言於兄弟之年
老者也台隆起之意老人腰曲故背隆起也引導
翼輔也少者乞言老者指引之使不迷於所往勸